

– Lachhes, mi chhay! Akana shun so ka vakerav tuke. Alo li o zhalto pani – nay te vazdes man. Ka beshav kate – ko denizisko odova. Chukiskeren – phenla – arakhes lekha, arakhes zhuva. Chhiv len te moste, ha len. Alo li – phenla – o zhalto pani, nay te vazdes man. O sinyo – nay te vazdes man. Alo li o temno pani – pala nay te vazdes man. Alo li o kalo pani, mi chhay, ka vazdes man!

I amari beshti te chukizel e phure, e zhuva. Kate arakhela zhuva – chhivela len. Lekha – chhivela len. I phuri zhanela so kerela i chhay. Aki alo o zhalto pani, alo o parno, alo o sinyo. Alo o kalo pani, vazdindya e phurya.

I phenla lake:

– Shun akana, so vakerav tuke! Sa vastentsa ka keres! Ka grabize, ka grabize!

Grabiskere, grabiskere, kana inkyola andar i denizi, kale grastentsa inkyola, kalo faytoni. Geli. Inkisti ko kasht, rovela i phenla day lake:

–Brey, kaya chhay – phenla – samo i daya inkal. Ashta – phenla – te dikhav!

Kana geli i day pash late, se edno vampirka. Laki day nashti latar.

– Ushti – phenela – phureya, vampiri alo amenge! Ushti phureya, vampiri alo!

– O-o-o! – phela – Kay ti chhay, chha!

– Tume – phenela – kerde mange numero!

– Shtom si ti chhay, nay so te lachhares. Khidena pes e duy da phenya mashteha andre.

– E-e-e, sar tu to zhivoti prekarinde? – phuchel i kali phen pe mashteha phenya.

– Me – phenla – kate dikhyom perkeze porta, vazdindyom. Kate dikhyom ambrol, chhindyom mange po ekh, hayom. I phuri si vakerel mange te dikhav e sapen – dikhlyom len, na tharyom len. Dinyom len te han hladko. Ni kerdyom pakosi. E zhuva hayom. E lekha hayom. Vakerel mange ko zhalto pani te vazdav la – vazdiem la. Ake soske. Kava ulo moro. Ami tu kay geen, so keren?

– Ami, so kerom me? Kate diklyom porta – phaglyom. O maro do shushka halyom. Me na mulyom bokhatar.

– Ami me na halom mo maro tsalo. Me halom po ekh bokuitsa.

– Me pala halom tsaloro. Kate dikhyom porta – phagyom. Dikhlyom ambrol, paravdyom len sare i phuvyate. I phuri vakerela te dav len – phenla – hladko te han e sapen, me popariskeryom len.

– E – phenla – shtom popariskeren len, li oy te popariskerel tut!